

Gvangjsih Minzcuz Bau

Cawjguenj: Gvangsiah Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangsiah Minzcuz Bause

Geiz neix 8 banj

广西民族报

Aenhauh okbanj: CN45-0036

B.2022

Nd.11

Ng.30

Liggaeuq nyaemzyinz nienz ndwenit cocaet

Geizsoq: Gungh daih 3551 geiz

Haeujlaeg Hagrox Gvancez Gij Cingsaenz Ngeihcib Daih Dangj Raeuz Guh Ndei Hong Hawj Swz Moq Hab Gveihfan Haeuj Biucinj

Cunghgoz Minzcuz Yijvwnz Fanhyizgiz Hai Aen Hoih Canghfanhoiz Saemjdingh Swz Moq Sawcuengh Bi 2022

30 Lai Boux Canghfanhoiz Gungh Saemjdingh 400 Lai Aen Swz Moq

深入学习贯彻党的二十大精神 做好新词术语规范化标准化工作

中国民族语文翻译局召开 2022年度壮语文新词术语翻译专家审定会

30 余位专家共审定 400 多个新词术语

Bonjbauq siusik (gicej Dangz Lungz/唐龙) 11 nyied 26 hauh daengz 27 hauh, aen hoih youz Cunghgoz Minzcuz Yijvwnz Fanhyizgiz banh de youq gwnzvangj caeuq gyangciengz doxgap ciuhai. 30 lai boux canghfanhoiz Baekging caeuq Guengjsae camgya baez hoih neix, gyonjcomz saemjdingh 400 lai aen swz moq bi lai doxdaeuj gak fuengmienh mizok, doengzcae doxyaeng cogaeng baenzlawz guh hongsaeh saemjdingh swz moq Sawcuengh cix lai ndei.

Youq 11 nyied 26 hauh gwnz

yizsiz haimuq, Gvangsiah Bouxcuengh Swcigih Minzcuz Cunghgyau Swvu Veijyenzei fucujyin Yangz Gijbyauh gangjah angqoh, Cunghgoz Minzcuz Yijvwnz Fanhyizgiz fugizcangj Bauhvuh' wjgyangh gangjah. Bauhvuh-wjgyangh daegbied gangj daengz, hong saemjdingh caeuq gveihfan swz moq, dwg yiengh hong gvendaengz cwngci, cwngcwz lailai, gvendaengz vunz lai hag ndaej cinj yungh ndaej deng vah saw minzcuz, gvendaengz cunghvunz saujsu minzcuz hag ndaej doiq caeuq dawz ndaej cinj gij lohsienq fuengcim

cwngcwz Dangj raeuz, dwg dieg minzcuz hwngfat cwngci, ginghci, sevei, vwnzva, gyauyuz seizneix aeuyungh. Yaek haeujlaeg hagsib gvancez gij cingsaenz Ngeihcib Daih Dangj raeuz caeuq gij cingsaenz Aen Hoih Hong Minzcuz Cunghyangh, dawzcinj caeuq cienzmienh gvancez gij swhsienq youqgaenj Siz Ginbingz cunghsuhgi vix raeuz gyaak caeuq gaijndei hong minzcuz, giendingh aen laebciengz cwngci, dawzcinj aen fuengyiengq cwngci, gaenjdaet hopheux diuz cawjsienq couqmaenh gij

eiqsik Cunghvaz Minzcuz ranz vunz ndeu bae guh ndei hong hawj swz moq hab gveihfan haeuj biucinj, baengh raeuz guhbaenz hongsaeh engqgya netsaed bae doinyoengx gak minzcuz laebhwnj lizsijgvanh, minzcuzgvanh, gozgyahgvanh, vwnzva-gvnh cingqdgeng, laemxsim lailai nyinhdoengz guekcoj hungmbwk, Cunghvaz Minzcuz, Cunghgoz Gungcanjdangj, yiengh sevei cuji miz gij daegsaek Cungguek, mbouj duenh hwnqguh aen Cunghvaz Minzcuz ranz vunz ndeu.



11 nyied 25 hauh, Yungzsuij Myauzcuz Swciyen Gijveij Genhveij, Cujcizbu, Senhconzbu daengz bouhmonz doengzcae guh yienghsaeh boux Dangjdaibyaui roengz gihcwngz dangqnaj lwnhgangj gij cingsaenz Ngeihcib Daih Dangj raeuz. Boux daibyaui Ngeihcib Daih Dangj raeuz, ndaw yiengh neix Anhcuiz Yangh Gyanghmwnz Myauzcai Dangj Cuncjcih suhgi Yangz Ningz dangqnaj gyoengq gunghcoz duiyenz capmbanj caeuq dangjyenz ganbu ginzcong lajmbanj lwnhgangj gij cingsaenz Ngeihcib Daih Dangj raeuz, de lwnhgangj guhhoengh lajmbanj, hwngfat canjnieb, ndangseuq yunghgienz daengj guhdaez, hawj gij cingsaenz Ngeihcib Daih Dangj raeuz haeuj doh Mbanjmyauz, haeuj uk vunz lai. Ndaw doz dwg Yangz Ningz lwnhgangj gij cingsaenz Ngeihcib Daih Dangj raeuz hawj dangjyenz ganbu ginzcong dingq.

(Lungz Linzci/龙林智)

Cungzcoj: Cizdij Ginghci Cunh Gaep Gyong Suenq Souhaeuj Baez Daih'it Mauhgvaq Ik Maenz

崇左: 村级集体经济总收入首次突破 1 亿元

Daj bineix doxdaeuj, Cungzcoj Si dawzmaenh dangq hwngfat caeuq guhhung guh'ak cizdij ginghci cunh gaep baenz faenhong goekdaez bae guhhoengh lajmbanj, dawzmaenh baengh dangjgen dazyinx, hawciengz doinyoengx, lajmbanj guhdaez, doinyoengx cizdij ginghci cunh gaep dingj seizseiq

ndaej demmaj. 11 nyied 22 hauh, dou cam vunz cix rox, bineix sam aen geiqdoh gaxgonq, cizdij ginghci cunh gaep aen si neix gyong suenq souhaeuj baez daih'it mauhgvaq ik maenz, daezgonq 3 ndwen mauh soq guhsat gij moegbiu yinvu souhaeuj daengx bi.

Seizneix, Cungzcoj cingq laebdaeb laebndei gij diji canjnieb, diji swnghecanj, diji ginghyingz cizdij ginghci cunh gaep, doinyoengx sojmiz hingzcwngcunh binaj guhdaengz cizdij ginghci cunh gaep bi ndaej souhaeuj 8 fanh maenz doxhwnj.

(Cinz Mingzguei Vangz Yoz Fu Cunj)